

Pagsasao nga Indones

Ti **Indones**^[4] (*Bahasa Indonesia*) ket isu ti opisial a pagsasao iti Indonesia. Daytoy ket maysa a naiyalagad a rehistrar iti Malaka a dialekto iti Malayo, maysa nga Austronesio a pagsasao a naus-usaren idi a kas maysa a lingua franca iti purpuro ti Indonesia kadagiti napalabas a sig-siglo.

Ti Indonesia ket isu ti maikapat a kapusekan ti populasion a pagilian iti lubong. Iti daytoy a dakkel a populasionna, ti bilang dagiti tattao a nalaing nga agsao iti Indones ket agbalbalinen a makaabot ti agarup a 100%, nga agpabalin iti Indones, ken ti Malayo, a maysa kadagiti kaaduan a maisasao a pagsasao iti lubong.^[5]

Kaaduan kadagiti Indones, malaksid ti panagsasao iti nailian a pagsasao, ket kadawyanda a nalaing nga agsao iti sabali pay a rehional a pagsaso (kas pagarigan ket mairaman ti Habanes, Minangkabau ken Sundanés) a dagitoy ket kadawyan a maus-usar kadagiti balbalay ken iti kaunegan dagiti komunidad. Kaaduan kadagiti pormal nga edukasion, ken kaasitgan amin dagiti nailian a midia ken dagiti sabsabali a kita ti pannakisarita, ket nakababalin nga inus-usar ti Indones. Idiay Daya a Timor, nga isu daytoy idi ket maysa a probinsia ti Indonesia manipud idi 1975 aginggana idi 1999, ti Indones ket isu ti mabigbigan babaen ti batay-linteg a kas maysa kadagiti dua a pagsasao ti panagobra (ti sabali pay ket ti Ingles), a kudua dagiti opisial a pagsasao iti Tetum ken Portuges.

Ti Indones a nagan para iti daytoy a pagsasao ket *Bahasa Indonesia* (literal a "ti pagsasao iti Indonesia"). Daytoy a sao ket sagpaminsan a mabirukan pay iti naisuratan wenno naisasao nga Ingles. Ti pay maipatinayon, daytoy a pagsasao ket sagpaminsan pay a makunkuna a kas "**Bahasa**" babaen dagiti agsasao iti Ingles, ngem daytoy ket kayatna a sawen laeng ket "pagsasao" ken isu ngarud a saanna a teknikal a mainaganan ti pagsasao nga Indones.

Heograpiko a pannakaiwarwaras

Idi 2010, ti Indones ket addaan kadagiti 42.8 a riwriw a patneng nga agsasao, ken 154.9 a riwriw a nangisasao a kas maikadua a pagsasao,^[1] a nagisasao daytoy a maikuyog dagiti lokal a nakaiyanakada a dila, ka mangited daytoy iti dagup a bilang dagiti agsasao idiay

Indones	
	<i>Bahasa Indonesia</i>
Patubo iti	Indonesia
Patubo a mangisasao	43 a riwriw (2010) ^[1] <div>Dagiti L2 nga agsasao: 156 a riwriw (senso idi 2010)^[1]</div>
Pamilia	<div>Austronesio <ul style="list-style-type: none">Malayo-Polinesio <ul style="list-style-type: none">Nuklear a Malayo-Polinesio <ul style="list-style-type: none">Malayo-Sumbawano <ul style="list-style-type: none">Malayiko <ul style="list-style-type: none">Malayano <ul style="list-style-type: none">Malayo <ul style="list-style-type: none">Malacca ("Riau") Malay <ul style="list-style-type: none">Indones</div>
Panagsurat	Latin (Alpabeto nga Indones) <div>Braille nga Indones</div>
Dagiti napirmaan a porma	Sistem Isyarat Bahasa Indonesia
Opisial a kasasaad	
Opisial a mangisasao	 Indonesia
Pakabigbigan a minoridad a pagsasao	 Daya a Timor ^[2]
Nagalagad	Badan Pengembangan dan Pembinaan Bahasa
Kodkodigo ti pagsasao	
ISO 639-1	id (https://www.loc.gov/sta <div>ndards/iso639-2/php/langcodes_name.php?iso_639_1=id)</div>
ISO 639-2	ind (https://www.loc.gov/st <div>andards/iso639-2/php/langcodes_name.php?code_ID=207)</div>
ISO 639-3	ind

Indonesia iti 197.7 a riwriw.^[1] Daytoy ket kadawyan a kas umuna a pagsasao kadagiti urbano a lugar, ken kas maikadua a pagsasao babaen dagiti agtataeng kadagiti adu pay nga away a parte ti Indonesia.

Dagiti nagibasaran

1. Badan Pusat Statistik (28 March 2013). "Penduduk Indonesia Hasil Sensus Penduduk 2010 (Result of Indonesia Population Census 2010)" (<http://bps.go.id/index.php/publikasi/14>). pp. 421, 427. ISSN 2302-8513 (<https://www.worldcat.org/issn/2302-8513>).
2. <http://www.easttimorgovernment.com/languages.htm>
3. Hammarström, Harald; Forkel, Robert; Haspelmath, Martin, dagiti ed. (2017). "Indonesian" (<http://glottolog.org/resource/languoid/id/indo1316>). *Glottolog 3.0* (iti Ingles). Jena, Alemania: Instituto para iti Ebolusionario nga Antropolohia ni Max Planck.
4. Rubino, Carl Ralph Galvez (2000). "Indones". *Ilocano Dictionary and Grammar: Ilocano-English, English-Ilocano*. University of Hawai'i Press. p. 222. ISBN 978-0-8248-2088-6.
5. James Neil Sneddon. *Ti Pagsasao nga Indones: Ti Pakasaritaanna ken Pabuyan iti Moderno a Kagimongan*. UNSW Press, 2004. Panid 14."

Glottolog indo1316 (<http://glottolog.org/resource/languoid/id/indo1316>)^[3]

Linguaesperio 31-MFA-ac



- ☐ Pagpagilian iti lubong a ti Indones ket ti kaaduan a patnenga a pagsasao
- ☐ Pagpagilian a ti Indones ket minoridad a pagsasao

Naala manipud iti "https://ilo.wikipedia.org/w/index.php?title=Pagsasao_nga_Indones&oldid=287598"

Daytoy a panid ket naudi a naurnos idi 7 Nobiembre 2016, 07:30.

Ti teksto ket magun-od babaen ti Lisensia ti Creative Commons Attribution-ShareAlike; dagiti mainayon a termino ket mabalin pay a maipakat. Kitaen dagiti Termino ti Panagusar para kadagiti salaysay.